



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. GGG. Literae Alfeldiorum ad Ser. Reg. Daniae, eadem cum
Praecedentibus suadentes.

urn:nbn:de:hbz:466:1-10534

Literæ Alfeldiorum ad Ser. Reg. Daniæ, eadem cum
Præcedentibus suadentes.

Serenissime ac Potentissime Rex, Domine clementissime, cum passim
diversis è locis & per varias personas ad nos perferatur, qua ratione
(quod tamen nobis persuaderi non patimur) inter V. R. M. & Suecorum
Regem præceps quædam ac festinata, & propter cessionem tot amplissi-
marum & ditissimarum provinciarum, navium, militum, & præsentium
pecuniarum V. R. M. admodum perniciofa & noxia pax, una cum fœdere
offensivo & defensivo contra quemcunque coaluerit & conclusa sit; Nos
in eâ rerum incertitudine dum vacillamus, & confidimus, res inter V. R. M.
& altè memoratum Regem Sueciæ in integro adhuc statu versaturas, nec
pacem plenariam, præsertim sub molestis adeò conditionibus initam esse,
nostrarum partium esse duximus, pro fide quâ præcipuè Ducatibus hisce &
eorum conversationi ac saluti obstructi sumus, V. R. M. horum locorum &
munimentorû statum conditionem edocere, & quidem paucissimis, quoni-
am de harum literarum exhibitione incerti sumus, & periculum imminet ne
intercipiantur, maximè quod glacies in portub⁹ adhuc existat, & soluta non-
dû sit; eâ quæ par est submissione indicantes, quod per divini Numinis gratiâ
in ejusmodi adhuc statu versæmur, ut hostium insultus non metuamus, & si
forsitan ab iis quidpiam, remittente gelu, tentaretur, divina ope & manu
strenua illorum conatus ita repellemus & in fringemus, ut munimentis no-
stris frustra manus injecisse dicendi sint. Equidem negari nequit, unum
atque alterum heic suboriri defectum, de quibus V. R. M. occasione pro-
ximâ, & simul atque æquora navigabilia reddentur & itinera tuta, certio-
rem pluribus facturi sumus. Tales tamen sunt defectus nostri, ut naviga-
tione iterum incipiente refarciri queant, præsertim quando V. R. Majest.
Confœderatorum potentissimorum copiæ auxiliares lectissimæ & pugna-
cissimæ (quomodo V. R. M. Ego Detlevius ab Ahlefeldt, adjuncta univer-
sa expeditione mea, & documentis seu testimoniis ad eam necessariis jam
dum Hamburgo debitâ subjectione perscripsi, & ista omnia, si forsitan
priora non essent perlata, his ipsis adhuc addidi,) propius accessuræ, & nos
ex angustiis his erepturæ sunt. Cæterùm Ego Fridericus ab Ahlefeldt simi-
liter expeditionis meæ rationem V. R. M. Hamburgo transmissi. Unde
eadem, quia reddita fuisse spero, nullatenus consultum duxi heic repetere,
maximè cum in mora nullum periculum, & prætereà iter non adeò tutum
existat. Et quoniam dum hæc scribimus, à viris fide dignis certiores red-
dimur, præter copias auxiliares Brandenburgicas, quarum supra mentio in-
jecta est, etiam in Bataviâ pro V. R. M. militem conscribi, & deliberari,

T

quo-

quomodo in hoc casu V. R. M. suppetiæ ferendæ sint, eò magis in bonam
 istam spem ingredimur futurum, ut V. R. M. pro summa suâ prudentia tra-
 ctatus institutos potius ducatae procrastinet, & hostibus, siquidem impe-
 diri nequeunt, tamdiu frena laxet, donec Confœderatorem copiæ uni-
 dique collectæ fuerint, & cum V. R. M. milite unitæ uno impetu & viri-
 bus conjunctis eosdem aggredi valeant, quàm in ejusmodi pacem consen-
 tiat, quæ vel ipso bello perniciosior existeret. E contrario post factam con-
 junctionem sine dubio gloriosa, segura, & firma pax, ope Confœderato-
 rum pro R. V. M. tota Ejusdem posteritate Regiâ, Regnis, Ducatibus,
 Ditionibus & subditis magno cum fanore obtineri poterit, quæ omnia
 perpeffa damna & jacturam felicissimè refarciet ac compensabit. Quo
 ipso R. M. V. &c.

V. R. M.

humillimi & obsequentissimi servi

Cajus ab Ahlefeldt, Dethlevus ab Ahlefeldt. Eridericus ab
 Ahlefeldt.

P. S.

Rex & Domine Clementissime, V. R. M. significo, necessarium esse,
 ut siquidem animus ipsi fuerit bellum contra Suecos continuare, E-
 lector Brandenburgicus & alii Confœderati de isthac V. R. M. intentione
 per ejusdem literas certiores reddantur, ut ad suppetias ferendas eò magis
 animentur. Deinde, ut quàm primùm habilis quædam persona in qualita-
 te Residentis Berlinum mittatur, quæ ibidem V. R. M. usibus, ulterius in-
 vigilare possit & quod agatur &c. Dat. ut supra.

Dethlevus ab Ahlefeldt.

Lit. HHH.

Excerpta ex literis Rosenwingii ad Dominum Gers-
 dorffium de dato Amstelod. d. 3. 13. August.

Anno 1658.

Quod autem istum punctum in literis Excell. Vestræ concernit, sci-
 licet ut cum quibusdam è Statibus, seu Consilio Regiminis secretò
 loquerer, annon, si forsitan Vicini nostri exercitus in provinciis jam dum
 enervatis ulterius commorari vellet, quædam auxilia ad securitatem Sia-
 landiæ.